



Adresa: **ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-054-6/26**
Datum: **17.08.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica Šumskoprivrednog društva „Srednjobosanske šume/Šume Središnje Bosne” d.o.o. Donji Vakuf, u postupku izdavanja rješenja o vodnoj saglasnosti za aktivnost kontrolisane sječe u 2026. godini na ŠPP-ŠGP „Lašvansko”, kao dijela aktivnosti u sklopu sveobuhvatnog gospodarenja šumama posebne namjene sa izraženom vodozaštitnom funkcijom na prostoru zaštitnih zona izvorišta „Kruščica” – Vitez, na osnovu člana 139. stav (1) tačka 10., a u vezi sa članom 114. Zakona o vodama («Službene novine Federacije BiH», broj 70/06) i članovima 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o vodnoj saglasnosti**

1. Podnosiocu zahtjeva, Šumsko privredno društvo „Srednjobosanske šume/Šume Središnje Bosne” d.o.o. Donji Vakuf, daje se vodna saglasnost za aktivnost kontrolisane sječe u 2026. godini na ŠPP-ŠGP „Lašvansko” na prostoru zaštitnih zona Izvorišta „Kruščica” – Vitez, u obimu sječe od 182.025 m³ krupnog drveta u svim kategorijama, koji se trebaju provoditi prema tehnologiji izvođenja radova datoj u tehničkoj dokumentaciji:
„Novelirani tehnički elaborat (ishodovanje vodne saglasnosti) tehnologije aktivnosti radova kontrolisane sječe sa uticajem na režim tečenja površinskih i podzemnih voda na području VZZ izvorišta „Kruščica”, novembar 2025. godine, urađen od strane „SENDO” d.o.o. Sarajevo.
2. Ovu vodnu saglasnost podnosilac zahtjeva može koristiti samo u postupku pribavljanja okolinske dozvole, ukoliko je isto propisano Zakonom o zaštiti okoliša kao i u postupku pribavljanja dozvole nadležnog organa za sticanje prava na aktivnosti kontrolisane sječe na predmetnom lokalitetu, u skladu sa važećom legislativom i provedbenim propisima iz oblasti šumarstva.
3. Vodna saglasnost se donosi na osnovu utvrđenog činjeničnog stanja i pregleda dostavljene tehničke dokumentacije iz tačke 1. dispozitiva ovog Rješenja i čini njegov sastavni dio, a ista se, ovjerena od strane ove Agencije u skladu sa odredbama člana 114. stav (3) Zakona o vodama, vraća podnosiocu zahtjeva **na trajno čuvanje**, a koristit će se u postupku pribavljanja odobrenja za izvođenje planiranih aktivnosti.
4. Vodna saglasnost se donosi pod sljedećim uslovima:
 - 4.1. Da se opisane aktivnosti i zahvati u prostoru zaštitnih zona izvorišta „Kruščica” – Vitez izvrše prema izvedbenim projektima koji trebaju biti urađeni u skladu sa zakonodavstvom iz oblasti šumarstva, a koji moraju uvažiti sva ograničenja iz Odluke o zonama sanitarne zaštite i zaštitnim mjerama za izvorište Kruščica, mjere i smjernice navedene u dispozitivu ovog rješenja i tehničkoj dokumentaciji iz tačke 1. ovog rješenja.
 - 4.2. Korisnik državnih šuma treba prije realizacije radova izraditi projekte za izvođenje uz uvažavanje mjera ograničenja, kao što su: trenutno stanje sastojinskih prilika, indeks osjetljivosti tla, pripadnost zoni sanitarne zaštite, tehnološka klasifikacija terena, te dozvoljeni vremenski period izvođenja radova.
 - 4.3. Da se planirane aktivnosti odvijaju u skladu sa dokumentom Saglasnost Ministarstva poljoprivrede, vodoprivrede i šumarstva Srednjobosanskog kantona na privremeni plan gospodarenja šumama ŠPP „Lašvansko” za 2026. godinu, broj: 06-22-10506/25 od 19.12.2025. godine.
 - 4.4. Da korisnik ove vodne saglasnosti prije početka izvođenja radova, a najkasnije sedam dana prije, pismenim putem uputi obavještenje o planiranim aktivnostima Federalnoj

vodoprivrednoj inspekciji u Sarajevu, Kantonalnoj inspekciji za šumarstvo, Kantonalnoj inspekciji za vode i korisnicima izvorišta „Kruščica“ - pravnim licima JP „Vodovod i kanalizacija“ d.o.o. Zenica i „Vitkom“ d.o.o. Vitez.

- 4.5. Da u saradnji sa operaterom/korisnikom izvorišta „Kruščica“, JP „Vodovod i kanalizacija“ d.o.o. Zenica i „Vitkom“ d.o.o. Vitez, ŠPD „Srednjobosanske šume/Šume Središnje Bosne“ d.o.o. Donji Vakuf definiše dinamiku provođenja aktivnosti na predmetnim radovima, vodeći računa da se radovi mogu vršiti u zimskom ili sušnom vremenskom periodu, kako bi se izbjegla devastacija raskvašene podloge i moguće promjene kvaliteta vode.
- 4.6. Da u periodu neposredno prije početka radova korisnik ove vodne saglasnosti u saradnji sa predstavnicima JP „Vodovod i kanalizacija“ d.o.o. Zenica utvrdi trenutno stanje kvalitativno-kvantitativnog režima predmetnog izvorišta i stanja na prostoru zaštitnih zona izvorišta „Kruščica“ („nulto“ stanje koje će se nakon obilaska terena pismeno konstatovati i zvanično potvrditi od strane korisnika/operatera izvorišta „Kruščica“) u cilju ostvarivanja pretpostavki za kontrolu istog tokom i nakon izvođenja predmetnih aktivnosti.
- 4.7. Da se drvna masa iz zona sanitarne zaštite izvorišta „Kruščica“, do prostora izvan ovih zona, izvlači u sušnom periodu, po suhoj zemlji ili u zimskom periodu i istu izvlačiti po suhom snijegu u vidu vlaka. Upotreba mehanizacije je ograničena na već izgrađene šumske vlake i uz nužne popravke oštećenja putne infrastrukture nastale kao posljedica lošeg održavanja u proteklom vremenskom periodu.
- 4.8. Da se odabir i doznaka stabala za sječu odnosi na kontrolisanu sječu vodeći računa da se u ovom konkretnom slučaju kao najznačajnija ekološka funkcija šume tretira zaštita izvorišta vode za piće. Doznaka (dozvola) za sječu treba da se vrši u prisustvu nadležnog lica iz državnog organa koji ima nadležnost čuvanja državne šume, a predstavnik operatera izvorišta „Kruščica“ treba imati mogućnost kontrole i uvida u ovaj dio aktivnosti.
- 4.9. Ukoliko se u toku izvođenja radova registruje promjena kvaliteta voda na izvorištu „Kruščica“, radove na zahtjev operatera izvorišta „Kruščica“ odmah obustaviti i utvrditi uzroke koji su doveli do promjene režima (kvaliteta i kvantiteta) voda na izvorištu i iste prije nastavka radova otkloniti.
- 4.10. Predvidjeti da se sav nastali otpad nastao kao posljedica sječe i pratećih aktivnosti prikuplja i zbrinjava od strane izvođača radova izvan površina obuhvaćenih uticajem velikih voda, a u skladu sa važećim propisima o postupanju sa otpadom i odlukom o zonama sanitarne zaštite izvorišta „Kruščica“.
- 4.11. Planom organizacije šumskog radilišta koje će se formirati u funkciji provođenja navedenih aktivnosti, treba osigurati da mjesta za smještaj šumske mehanizacije, tečnih goriva i maziva budu locirana izvan bujičnih tokova i nivoa plavnih voda i na takvoj udaljenosti da ne mogu imati negativan uticaj na izvorište vode, stalne i povremene vodotokove.
- 4.12. Koristiti samo tehnički ispravne i dobro održavane mašine i opremu (motorne pile, čistače, agregate) koje se prije početka korištenja moraju provjeriti, a što se odnosi i na angažman spoljnih saradnika i izvođača radova.
- 4.13. Ukoliko se cisterne i rezervoari sa gorivom planiraju smjestiti na šumskom radilištu, iste je potrebno postaviti u prihvatne posude ili izvesti sa dvostrukom stjenkom prema posebnim propisima i izvan zone uticaja na površinske i podzemne vode.
- 4.14. Unutrašnji saobraćaj će se u toku obavljanja aktivnosti odvijati korištenjem postojeće transportne infrastrukture i postojećih vlaka koje treba popraviti i sanirati uz nužnu nadogradnju puteva prilagođenu mehanizaciji koja će se koristiti, a sve u cilju omogućavanja primjene optimalnih tehnologija rada i minimiziranja rizika pojave erozionih procesa i eliminiranja uticaja na stanje vodnih resursa
- 4.15. Primarne puteve u vodozaštitnim zonama treba održavati na način da se spriječi sapiranje zemlje sa puteva i pripadajućeg putnog pojasa (zasjek, nasip) kao uzročnika sapiranja i erozionih procesa na način da se nakon skidanja vegetacijskog pokrivača naspe sloj kamenog agregata. Svi objekti koji imaju funkciju prihvatanja i odvodnje

- površinskih voda moraju biti uvijek u ispravnom stanju, tj. da se odmah po njihovom nastajanju saniraju sva oštećenja, te da se isti redovno održavaju.
- 4.16. Tokom izvođenja radova mehanizacija i oprema koja će se koristiti u realizaciji navedenih aktivnosti ne smije ulaziti u vodotoke, osim na za to određenim prelazima, a nakon završetka radova moraju se ukloniti ostaci drveta iz korita vodotoka i zemljišnih čestica vodnog dobra.
- 4.17. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, izvođač radova obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
- 4.18. Neposredno nakon završetka radova neophodno je da izvođač radova izvrši sanaciju transportne infrastrukture, a kao mjera protiv nastanka erozionih procesa i jaružnih tokova na traktorskim putevima – vlakama, primjenjuje se poprečno izvođenje jaraka pod uglom od 30° na udaljenostima 20-50 m, u zavisnosti od uzdužnog nagiba.
- 4.19. U toku radova, materijal koji nastaje prilikom sječe šume i izvoza drvnih sortimenata se ne smije ni privremeno odlagati na česticu „vodno dobro“, odnosno u vodotoke i na njegove obale.
5. Korisnik ove vodne saglasnosti se obavezuje da se u cjelosti pridržava svih mjera zabrane i ograničenja navedenih u „Odluci o zonama sanitarne zaštite i zaštitnim mjerama za izvorište Kruščica“ broj: 01-3-25-2626/16 od 03.08.2016. godine, donesenog od strane Općinskog vijeća Vitez kao i „Odluke o izmjeni i dopuni Odluke o zonama sanitarne zaštite i zaštitnim mjerama za izvorište Kruščica“ broj: 01-3-25-275/17 od 31.01.2017. godine, donesene od strane Općinskog Vijeća Vitez i uslova propisanih članom IV Odluke o proglašenju šuma posebne namjene sa izraženom vodozaštitnom funkcijom u zonama sanitarne zaštite izvorišta Kruščica, donesene od strane Vlade Srednjobosanskog kantona na 94. sjednici održanoj dana 12.07.2018. godine.
6. Konkretni izvedbeni projekti za pojedina šumska odjeljenja moraju biti urađeni u skladu sa važećim zakonodavstvom iz oblasti šumarstva te u skladu sa uslovima iz ove vodne saglasnosti i odluka koje se odnose na područje zona sanitarne zaštite izvorišta Kruščica, uvažavajući mjere i preporuke za unaprjeđenje stanja u vodozaštitnim zonama, date u projektu iz tačke 1. i Elaboratu o gospodarenju šumama u zonama sanitarne zaštite izvorišta vode Kruščica, decembar 2017. godine.
7. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
8. Nadzor i kontrolu nad provođenjem aktivnosti kontrolisane sječe u zonama sanitarne zaštite koordinirano provoditi sa federalnom inspekcijom za vode, Kantonalnom inspekcijom za šumarstvo i Kantonalnom inspekcijom za vode uz saradnju sa operaterom izvorišta „Kruščica“, JP „Vodovod i kanalizacija“ d.o.o. Zenica i korisnikom voda „Vitkom“ d.o.o. Vitez.
9. Ukoliko se u toku izvođenja radova na kontrolisanoj sječi na prostoru zaštitnih zona izvorišta „Kruščica“ – Vitez prouzrokuju štetne promjene kvalitativno-kuantitativnog režima voda i to prouzrokuje štete drugim korisnicima voda, podnosilac zahtjeva je obavezan otkloniti uzroke nastanka štete, sanirati posljedice nastale štete, a procijenjenu štetu nadoknaditi.
10. Obzirom da se šume i šumsko zemljište koje pripadaju predmetnoj GJ „Kruščica“ vode kao državna imovina, potrebno je prije pristupanja izvođenju radova provesti proceduru prethodnog rješavanja vlasničkih pitanja obzirom na činjenicu da je Visoki predstavnik u BiH, Christian Schmidt donio Odluku (akt broj: 01/22) kojom se donosi Zakon o izmjenama i dopunama Zakona o privremenoj zabrani raspolaganja državnom imovinom Bosne i Hercegovine („Službeni glasnik Bosne i Hercegovine“ broj: 18/05, 29/06, 32/07, 41/07, 74/07, 99/07 i 58/08) kojom se zabranjuje raspolaganje državnom imovinom (u šta spadaju i državne šume i šumsko zemljište) do stupanja na snagu zakona na državnoj razini kojim se uređuju prava vlasništva i upravljanja državnom imovinom, a koji bi usvojila Parlamentarna skupština Bosne i Hercegovine, odnosno sve dok Visoki predstavnik u BiH ne odluči drugačije.
11. Ova vodna saglasnost prestaje da važi istekom roka od 2 (dvije) godine od dana njene pravosnažnosti.

Obrazloženje

Svojim zahtjevom broj: 01-981/26 od 10.02.2026. godine, zaprimljenim 16.02.2026. godine, Šumsko privredno društvo „Srednjobosanske šume/Šume Središnje Bosne“ d.o.o. Donji Vakuf, podnijelo je zahtjev za izdavanje vodne saglasnosti za aktivnost kontrolisane sječe u 2026. godini na ŠPP-ŠGP „Lašvansko“ na prostoru zaštitnih zona Izvorišta „Kruščica“ – Vitez, u obimu sječe od 182.025 m³ krupnog drveta u svim kategorijama, koji se trebaju provoditi prema tehnologiji izvođenja radova datoj u tehničkoj dokumentaciji.

Uz zahtjev nije dostavljena dokumentacija koja je propisana članovima 7., 8. i 19. Pravilnika o sadržaju, obliku, uslovima, načinu izdavanja i čuvanja vodnih akata, te je dopisom broj: UP-1/21-2-40-054-2/26 od 10.03.2026. godine zatražena dopuna dokumentacije neophodne za vođenje upravnog postupka od strane ove Agencije. Investitor je 23.03.2026. g. dostavio zahtjev za produženje roka za dopunu podneska te određen novi rok za dopunu podneska. Investitor je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra Općinskog suda u Travniku, broj: 051-0-RegZ-25-0001956 od 13.11.2025. godine;
- Ovjerena kopija Uvjerenja o poreznoj registraciji izdatog od strane Porezne uprave FBiH, Kantonalni porezni ured Travnik dana 23.06.2016. godine;
- Privremeni godišnji plan gospodarenja šumama za 2026. godinu, ŠPP-ŠGP „LAŠVANSKO“, donesen od strane ŠPD „Srednjobosanske šume“ d.o.o. Donji Vakuf, novembar 2025. godine;
- Kopija Saglasnosti na privremeni plan gospodarenja šumama ŠPP „LAŠVANSKO“ za 2026. godinu date od strane Ministarstva poljoprivrede, vodoprivrede i šumarstva Srednjobosanskog Kantona, broj: 06-22-10506/25 dana 19.12.2025. godine;
- Plan gospodarenja za G.J. Kruščica i G.J. Sebešić šumama posebne namjene sa izraženom vodozaštitnom funkcijom u zonama zaštite izvorišta vode za piće Kruščica za period 2026.-2030. godine, donesen od strane ŠPD „Srednjobosanske šume“ d.o.o. Donji Vakuf, juli 2026. godine;
- Odluka – usvaja se Plan gospodarenja za G.J. Kruščica i G.J. Sebešić šumama posebne namjene sa izraženom vodozaštitnom funkcijom u zonama zaštite izvorišta vode za piće Kruščica za period 2026-2030 godine, donesene od strane Uprave Šumskoprivrednog društva „Srednjobosanske šume“ d.o.o. Donji Vakuf na 4. sjednici održanoj dana 21.07.2026. godine, broj: 01-5824/26;
- Program gospodarenja za GJ Kruščica i G.J. Sebešić sa programom gospodarenja šumama posebne namjene sa izraženom vodozaštitnom funkcijom u zonama zaštite izvorišta vode za piće Kruščica za period 2026.-2030. godine, donesen od strane ŠPD „Srednjobosanske šume“ d.o.o. Donji Vakuf, broj: 01-5092/26 od 25.06.2026. godine;
- Kopija Saglasnosti na Program gospodarenja šumama posebne namjene sa izraženom vodozaštitnom funkcijom u zonama zaštite izvorišta za piće „Kruščica“ u periodu 2026-2030. godina data od strane Ministarstva poljoprivrede, vodoprivrede i šumarstva Srednjobosanskog Kantona, broj: 06-22-2032/2026 dana 14.07.2026. godine;
- Novelirani tehnički elaborat (ishodovanje vodne saglasnosti) tehnologije aktivnosti radova kontrolisane sječe sa uticajem na režim tečenja površinskih i podzemnih voda na području VZZ izvorišta „Kruščica“, urađen od strane projektne kuće „SENDO“ d.o.o. Sarajevo, novembar 2025. godine;
- Dokaz o uplati upravne pristojbe.

Nakon uvida u dostavljenu dokumentaciju konstatovano je sljedeće:

U toku 2024. godine provedene su aktivnosti na prikupljanju taksacionih elemenata (terenska tehnička snimanja i dr) za potrebe izrade i usvajanja nove Šumskoprivredne osnove za Šumskoprivredno područje Lašvansko, obzirom da je ŠPO-a za ŠPP Lašvansko vrijedila do 31.12.2025. godine, a u toku 2025. godine izrađeni su potrebni elaborati i ŠPO-a za ŠPP Lašvansko. Izvođač radova na izradi ŠPO-a za ŠPP Lašvansko – JP „Bosanskohercegovačke šume“ Sarajevo izradilo je ŠPO za ŠPP Lašvansko i dostavilo naručiocu radova ŠPD-ŠGD „Srednjobosanske šume“

d.o.o. Donji Vakuf 01.10.2025. godine. ŠPD-ŠGD „Srednjobosanske šume“ d.o.o. Donji Vakuf u skladu sa Zakonom o šumama SBK/KSB dostavilo je prijedlog ŠPO Lašvansko općinama Travnik, Novi Travnik, Vitez, Busovača, Dobretići i Fojnica na davanje mišljenja. Do 01.11.2025. godine samo su se Općina Travnik i Općina Fojnica oglasile po pitanju ŠPO. Zatim je prijedlog ŠPO Lašvansko proslijeđen Kantonalnom ministarstvu poljoprivrede, vodoprivrede i šumarstva SBK/KSB na dalje postupanje.

U 2026. godini na ŠPP Lašvansko planiran je obim sječe od 182.025 m³ krupnog drveta u svim kategorijama šuma.

Planirani šumsko-uzgojni radovi za 2026. godinu na ukupnoj površini iznose 516,11 ha po svim vidovima radova. Šumskouzgojni radovi planirani su u nešto manjem obimu od plana šumskouzgojnih radova po protekloj ŠPO za ŠPP Lašvansko.

Šumskoprivredno društvo „Srednjobosanske šume“ d.o.o. Donji Vakuf je pristupilo izradi Privremenog godišnjeg plana gospodarenja državnim šumama za ŠPP Lašvansko za 2026. godinu i dostavilo ga MPVŠ SBK Travnik. Nakon razmatranja istog data je saglasnost na privremeni plan gospodarenja šumama ŠPP „LAŠVANSKO“ za 2026. godinu od strane Ministarstva poljoprivrede, vodoprivrede i šumarstva Srednjobosanskog Kantona, broj: 06-22-10506/25 dana 19.12.2025. godine.

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda i vodni režim, podnosiocu zahtjeva su ovom vodom saglasnošću u dispozitivu ovog Rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama i članova 7. i 10. Pravilnika o sadržaju, obliku, uvjetima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20 i 63/22).

Podnosilac zahtjeva je uplatio upravnu taksu u iznosu od 60,00 KM u skladu sa članom 7. stav (1) Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Postupak vodio: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata


Nihad Pezo, dipl.inž.građ.

PRILOG: Novelirani tehnički elaborat (ishodovanje vodne saglasnosti) tehnologije aktivnosti radova kontrolisane sječe sa uticajem na režim tečenja površinskih i podzemnih voda na području VZZ izvorišta „Kruščica“, urađen od strane projektne kuće „SENDO“ d.o.o. Sarajevo, novembar 2025. godine

Dostaviti:

- ŠPD «Srednjobosanske šume» d.o.o. Donji Vakuf, 770 Slavne brdske brigade bb, 70220 Donji Vakuf (sa prilogom)
- JP „Vodovod i kanalizacija“ d.o.o. Zenica, Ul. Bistua Nuova br. 17, 72000 Zenica
- „Vitkom“ d.o.o. Vitez, Kralja Tvrtka bb, 72250 Vitez
- AVP Sava, ISV – Vodna knjiga,
- Sektor 40, arhiva
- Oglasna ploča AVP Sava